



EXCMO. CONCELLO DE BETANZOS

Praza Galicia, 1

Teléfono: 981 77 00 11

Fax: 981 77 65 29

CONVENIO DE COLABORACIÓN ENTRE O CONCELLO DE BETANZOS E A ASOCIACIÓN DE COMERCIANTES E EMPRESARIOS DE BETANZOS - CENTRO COMERCIAL ABERTO, (ACEBE - CCA) PARA O FINANCIAMENTO DAS ACTIVIDADES DURANTE O 2017

Betanzos, 11 de novembro de 2017

REUNIDOS

Dunha parte, don José Ramón García Vázquez, DNI núm. 76315755F, alcalde do Concello de Betanzos, en nome e representación do concello, en virtude das facultades que lle atribúe o artigo 21.1 b da Lei 7/1985, do 2 de abril, reguladora das bases de réxime local.

Doutra parte, D^a. Antonia Anido Díaz, con D.N.I. nº. 76340097S, na súa calidade de Presidenta da Asociación de Comerciantes e Empresarios de Betanzos - Centro Comercial Aberto, (ACEBE - CCA), con CIF G-15.153.869 con domicilio nesta Cidade, Praza Mestre Xosé Dapena, 1, en nome e representación da dita entidade.

MANIFESTAN

I. Que o Concello de Betanzos, de acordo co previsto na Lei 38/2003, do 17 de novembro, xeral de subvencións e na Lei 9/2007, do 13 de xuño, de subvencións de Galicia, pode conceder de forma directa, as subvencións previstas nominativamente no orzamento xeral municipal.

II. Que ambas partes teñen plena capacidade e lexitimidade para formalizar este convenio.

III. Que o obxectivo deste convenio é colaborar coa Asociación de Comerciantes e Empresarios de Betanzos - Centro Comercial Aberto, (ACEBE - CCA), para o mantemento dos servizos e actividades a desenvolver.

IV. Que ante o interese coincidente, as dúas partes acordan formalizar e asinar este convenio de colaboración que se axustará ás seguintes

CLÁUSULAS

PRIMEIRA. FUNDAMENTO LEGAL



O artigo 22.2 a) da Lei 38/2003, do 17 de novembro, xeral de subvencións (artigo 19.4 a) Lei 9/2007, do 13 de xuño, de subvencións de Galicia) establece que poderán concederse de forma directa subvencións previstas nominativamente nos orzamentos das entidades locais, nos termos recollidos nos convenios e na normativa reguladora destas subvencións.

SEGUNDA. OBXECTO E PERÍODO DE VIXENCIA DO CONVENIO

O presente convenio ten por obxecto establecer as bases de colaboración para a concesión dunha subvención por parte do Concello de Betanzos á Asociación de Comerciantes e Empresarios de Betanzos - Centro Comercial Aberto, (ACEBE - CCA), para o financiamento dos eventos de dinamización comercial organizados por ACEBE CCA, que funcionan como polo de atracción de clientes, visitantes e turistas que se achegan a Betanzos en busca dunha oferta comercial concreta e encontran en Betanzos un lugar idóneo para gozar dun perfecto día de compras xa que a oferta hostaleira da cidade complementa á perfección a oferta comercial que ofrece o CCA do Comercio de Betanzos.

ACEBE persigue ademais converterse nun instrumento de dinamización e acción comercial ademais de funcionar como o perfecto escaparate e canal de promoción do sector servindo como unha das ferramentas máis eficaces para dar a coñecer as posibilidades do pequeno comercio de Betanzos.

De cara á promoción do Concello e do comercio de Betanzos, ACEBE CCA edita unha publicación mensual para a promoción do tecido comercial e empresarial e para unha mellor comunicación cos clientes e habitantes de Betanzos. Trátase do xornal "Betanzos e a súa comarca" que conta cunha tirada de 13.000 exemplares de distribución gratuíta e que ten unha clara finalidade, contribuír á dinamización da vida económica e cultural de Betanzos e da súa comarca, apoiar a innovación comercial e as propostas de novos empresarios e en definitiva loitar polo desenvolvemento do Concello de Betanzos.

Para acadar os resultados que se pretenden coa difusión de "Betanzos e a súa comarca" é necesario realizar unha grande inversión. Para a posta en marcha desta ferramenta de comunicación ACEBE CCA efectúa diferentes gastos en canto a gastos de persoal, infraestrutura e loxística, impresión e reparto etc.

As facturas e os xustificantes de pago que se xuntarán xunto coa xustificación do convenio de colaboración corresponden ós gastos de impresión e reparto da publicación mensual "Betanzos e a súa comarca", unha publicación que promove, dinamiza, une e impulsa a actividade empresarial, especialmente a adicada ó



EXCMO. CONCELLO DE BETANZOS

Praza Galicia, 1

Teléfono: 981 77 00 11

Fax: 981 77 65 29

comercio retalista de Betanzos, un dos piares básicos sobre os que se sustenta a economía da cidade de Betanzos.

O obxectivo primordial da publicación "Betanzos e a súa comarca" é converter a cidade de Betanzos nun punto de referencia para os potenciais compradores, autóctonos ou alleos, de xeito que a actividade empresarial e comercial situada na zona, buscando que esta se converta nunha forza plenamente competitiva no complicado mercado actual.

Para acadar este obxectivo, a Asociación de Comerciantes e Empresarios de Betanzos CCA ten clara a importancia da labor de difusión, divulgación, publicidade e comunicación levada a cabo por "Betanzos e a súa comarca" así como da promoción dos servizos que se prestan no Concello de Betanzos.

Con este fin en "Betanzos e a súa comarca" se promoven as campañas publicitarias, que teñen como obxectivo fundamental impulsar a actividade económica do Concello de Betanzos e que pretenden manter e potenciar a motivación de compra, incrementar as vendas, mellorar a imaxe, crear un tecido comercial moderno e innovador. En definitiva, promoción externa e internamente a actividade comercial do Concello de Betanzos.

Ademais as campañas de promoción comercial que ACEBE.CCA está a levar a cabo baséanse no fomento do pleno desenvolvemento do Comercio de Betanzos e na promoción comercial da cidade a través de accións que integran intereses comúns para todos os públicos ós que se dirixe ACEBE.CCA.

A mensaxe que se trata de difundir coa publicación mensual de "Betanzos e a súa comarca" é que o comercio de Betanzos é un comercio competitivo e da gran calidade. En definitiva, as actuacións levadas a cabo pola Asociación de Comerciantes e Empresarios de Betanzos tales como as actividades de dinamización do comercio local a través de eventos de promoción comercial e da súa publicación mensual pretenden dar a coñecer as excelentes cualidades do comercio local así como das especiais características do Concello de Betanzos para o desenvolvemento da actividade comercial e empresarial.

O período de vixencia do presente convenio abrangue dende o 1 de xaneiro ata o 31 de decembro de 2017.

TERCEIRA. CRÉDITO ORZAMENTARIO

O Concello de Betanzos comprométese a destinar a cantidade máxima de 14.000,00 euros no orzamento do ano 2017, con cargo á aplicación orzamentaria 433.482.00. A dita cantidade debe destinarse única e exclusivamente ao financiamento dos gastos



que orixine a realización das actividades sinaladas no proxecto presentado pola Asociación de Comerciantes e Empresarios de Betanzos - Centro Comercial Aberto, (ACEBE - CCA)

CUARTA. GASTOS SUBVENCIONABLES

Serán subvencionables os gastos derivados do desenvolvemento da antedita actividade, ata un máximo de 14.000,00 euros, que se realicen dende o 1 de xaneiro ata o 30 de decembro de 2017.

Terá a consideración de gasto realizado o que foi efectivamente pagado con anterioridade á finalización do período de xustificación.

Establécese a compatibilidade con outras subvencións ou axudas doutras administracións ou entes públicos ou privados, que poida percibir o beneficiario. Non obstante, o importe da subvención concedida, en ningún caso, poderá ser de tal contía que, en concorrencia con subvencións ou axudas doutras administracións ou entes públicos ou privados supere o custo da actividade a desenvolver polo beneficiario.

QUINTA. DOCUMENTACIÓN

Para a plena efectividade do presente convenio, deberá achegarse a seguinte documentación:

- a) Acreditación da personalidade do beneficiario mediante a presentación da fotocopia cotexada do CIF da entidade.
- b) Acreditación da personalidade do seu representante mediante a presentación da fotocopia cotexada do DNI da persoa que vai subscribir o presente convenio.
- c) Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.
- d) Declaración xurada de se foron solicitadas ou non outras subvencións para a mesma finalidade, procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.
- e) Declaración xurada de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro.
- f) Declaración responsable de non estar incurso a entidade en ningunha das causas que determina o art. 13.2 da Lei 38/2003 xeral de subvencións (art. 10.2 Lei 9/2007,



do 13 de xuño, de subvencións de Galicia).

g) Certificación dos datos bancarios da entidade.

No caso de que algunha da antedita documentación obrase en poder do concello, exímese da súa presentación.

En todo caso, a devandita documentación deberá constar no momento da sinatura do presente convenio.

SEXTA. OBRIGAS DO BENEFICIARIO

Son obrigas do beneficiario:

- a) Levar a cabo a totalidade das actividades que se establecen na memoria presentada ao efecto da obtención desta subvención.
- b) Lucir o logotipo do Concello de Betanzos e facer constar a cooperación do concello en todas as actuacións que se desenvolvan ao abeiro deste convenio.
- c) A Asociación de Comerciantes e Empresarios de Betanzos - Centro Comercial Aberto, (ACEBE - CCA) asume as obrigas derivadas da promoción e dinamización das actividades.
- d) Cumprir coas obrigas que se establecen nas bases de execución do orzamento do Concello de Betanzos.

SÉPTIMA. XUSTIFICACIÓN E PAGAMENTO

O pagamento do importe total do convenio pagarase no momento no que se xustifique debidamente o cumprimento total da finalidade do presente convenio.

O pagamento da subvención efectuarase mediante o ingreso na conta bancaria sinalada para o efecto polo beneficiario.

Unha vez realizada a actividade subvencionada, o beneficiario deberá presentar a conta xustificativa como máximo no prazo de tres meses desde que finalice a actividade que se subvenciona e como máximo o 30 de decembro de 2017.

O importe dos gastos xustificativos deberá ser, como mínimo, o importe da cantidade asignada neste convenio. En caso de non xustificar o importe total do convenio verase reducido proporcionalmente o importe a percibir.

Para a xustificación das cantidades asignadas neste convenio, deberá presentarse a



seguinte documentación:

a) Memoria explicativa e detallada das actividades que se realizaron, con expresa mención dos resultados obtidos, incluíndo unha relación dos gastos ocasionados polas actividades que se realizaron e dos ingresos que se obtiveron para as ditas actividades. Acreditación gráfica do cumprimento de facer constar a colaboración do Concello de Betanzos en toda a información que se faga das actividades subvencionadas (folletos, carteis, libros, videos, CD's, etc).

b) Declaración xurada que acredite o cumprimento da finalidade da subvención mediante a realización das actividades para as que se concedeu a subvención.

c) Declaración xurada que acredite que non se obtivo ningunha outra subvención ou axuda para a mesma finalidade, ou, polo contrario, onde conste unha relación detallada doutras subvencións ou axudas concedidas para a mesma finalidade.

d) Orixinal ou fotocopia compulsada ou cotexada das facturas representativas dos gastos realizados. As facturas deberán cumprir os requisitos esixidos polo Real decreto 1619/2012, do 30 de novembro, polo que se aproba o regulamento polo que se regulan as obrigas de facturación.

No caso de que a realización das actividades obxecto da subvención xeren gastos de persoal, xustificaranse mediante nómina, factura ou documento equivalente (orixinais ou fotocopias cotexadas). Así como xuntar a xustificación do pagamento dos devanditos gastos.

e) Declaración xurada ou certificacións (artigo 24 RXLS) de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro.

De non presentar a xustificación no prazo establecido, ou non desistir de forma motivada e por escrito no mesmo prazo, incoarase expediente de anulación do correspondente compromiso que levará a perda do dereito de cobro da subvención.

Este prazo entenderase sen prexuízo do prazo de dez días, que se concederá no caso de presentación de documentación incompleta ou defectuosa para a súa rectificación.

Mediante acordo do órgano competente acreditarase o cumprimento da finalidade, que constitúe o obxecto do presente convenio, procedéndose á aprobación da conta xustificativa presentada polo beneficiario. Todo isto, sempre e cando a documentación xustificativa fose a correcta.

OITAVA. MODIFICACIÓN



Toda alteración das condicións que se tiveran en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou estranxeiros, poderá dar lugar á modificación da contía da axuda que se contempla neste convenio.

NOVENA. CAUSAS DE RESOLUCIÓN

Serán causas de resolución deste convenio:

- O incumprimento de calquera das cláusulas establecidas no presente convenio.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das contías recibidas.

DÉCIMA. COMISIÓN SEGUIMIENTO

Constitúese unha comisión mixta de seguimento, control e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas poidan xurdir sobre do mesmo. Esta Comisión estará composta en representación do Concello de Betanzos polo/a concelleiro/a delegado/a da área quen poderá delegar no funcionario dese área que estime oportuno, e pola outra parte o representante legal da entidade ou persoa na que delegue.

A Comisión terá as seguintes funcións:

1. Facer o seguimento e control do cumprimento do convenio.
2. Interpretar e resolver as dúbidas, que se puideran suscitar na aplicación do convenio.

UNDÉCIMA. CONTROL FINANCEIRO, REINTEGRO DA SUBVENCIÓN E SANCIÓN

Consonte ao disposto nos artigos 44 e seguintes da Lei 38/2003, do 17 de novembro, xeral de subvencións e artigos 41 e seguintes da Lei 9/2007, do 13 de xuño, de subvencións de Galicia, a entidade beneficiaria poderá ser escolleita pola Intervención Municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.



DUODÉCIMA. NATUREZA

O presente convenio ten natureza administrativa, as resolucións que se adopten porán fin á vía administrativa, polo tanto, contra elas só cabe recurso ante a xurisdición contencioso-administrativa.

DÉCIMO TERCEIRA. INTERPRETACIÓN

Para a resolución de calquera dúbida ou incidencia que poida xurdir durante a execución do obxecto do convenio, aplicarase suplementariamente a Lei 38/2003, xeral de subvencións, o Real decreto 887/2006, do 21 de xullo, polo que se aproba o regulamento da Lei 38/2003 xeral de subvencións, a Lei 9/2007, do 13 de xuño, de subvencións de Galicia e as Bases de execución do orzamento do ano 2017.

E en proba da súa conformidade asinan o presente convenio por triplicado exemplar, no lugar e data sinalados no encabezamento.

O alcalde

Asdo.: José Ramón García Vázquez

O representante do ente beneficiario

Asdo.: Antonia Anido Díaz